

**MINISTER ARTHUR DOWERS A HACI
BISHITA NA POLITIEACADEMIE
OSSENDRECHT: UN PASO
STRATEGICO PA FORTIFICA
SIGURIDAD DI ARUBA**



WWW.SOLODIPUEBLO.COM



SOLODIPUEBLO@GMAIL.COM

HOMBER DETENI PA POSECION DI ARMA DI CANDELA CONDENA CU CASTIGO DI PRISON



FRACCION DI MEP: PRESION PONI SERCA GOBERNADOR A YUDA!

**Parlamentario Shailiny Tromp-Lee:
Union entre Hoofs of Hope
y Sensory Gym Aruba:**

UN EXPERIENCIA SPECIAL DI HIPPOTERAPIA PA MUCHANAN CU AUTISMO



TEAMARU A CUMINSA NAN BIAHE PA WEGANAN SURAMERICANO DI HUBENTUD HEFE DI MISION Y DIRECTORA TECNICO RUMBA PA PANAM2026

Despues di lunanan largo di preparacion, awo a yega e inicio di TEAMARU su participacion na e IV Weganan Suramericano di Hubentud Panama2026.

Manera costumber, e hefe di mision ta sali prome pa asina prepara tur cos pa ricibi e resto di delegacion cu lo yega pa participa na e Weganan basa riba e fechanan stipula pa cada deporte. Den e caso aki, e “Chef de Mission” Jonathan Wever ta rumbo pa Panama, hunto cu

e Directora Tecnico Monica Fajardo pa asina participa den e “Delegation Registration Meeting” (DRM)

y prepara tur logistica necesario pa e resto di TEAMARU. Cu esaki nos ta duna inicio na Aruba su participacion na Panama2026, asina ta keda pendiente pa tur updates!
#TEAMARU #COA #ARUBA
#PANAMA2026



“SECURITY WITHOUT BORDERS”: COLABORACION TA CLAVE PA ENFRENTA MENASA MODERNO

Prome Minister Mike Eman a asisti diahuebs na Foro di “Security without Borders” & Aruba Social 2026, unda el a comparti un mensahe fuerte riba cooperacion internacional, responsabilidad comparti y e balor humano den tema di seguridad.

E evento internacional, organisa pa ASIS International hunto cu su chapter den Caribe Hulandes, a reuni expertonan di seguridad for di diferente pais pa discuti topiconan actual manera seguridad cibernetico, inteligencia artificial den seguridad y innovacion den proteccion di organisacionnan.

E foro a tuma luga na Aruba Marriott Resort & Stellaris Casino y a reuni representantenan di sector publico y priva, manera tambe expertonan internacional, incluyendo organisacionnan local manera Cuerpo Policial Aruba, Veiligheidsdienst Aruba y Crisis Management Office.

Durante su discurso, Prome Minister Mike Eman a enfatisa cu, den un mundo cu ta

enfrenta reto creciente, no solamente pa motibo di conflicto geopolitico, pero tambe pa crimen organisa, seguridad no mester ta tuma como algo garantisa.

“Manera nos salud, seguridad ta algo cu hopi biaha nos ta tuma como obsekio, te ora nos pasa door di momento dificil,” segun Eman. El a subraya cu e concepto di “Security without Borders” ta refleha un realidad moderno: cu seguridad no ta limita pa fronteranan, ni entre paisnan, empresanan of comunidannan.

“Nos no mester mira frontera pa dicidi si nos lo colabora. Seguridad y bienestar di nos ciudadano ta exige cooperacion sin limite,” el a enfatisa.

Prome Minister a pone enfasis cu, apesar di ambicion y interes individual den mundo moderno, ta importante no perde un balor esencial: preocupacion pa otro.

“Nos ta mira cu mundo ta bira mas enfoca

riba interes propio. Pero nos no por perde algo fundamental, preocupacion pa bo bisiña, pa bo comunidad,” segun Eman.

El a destaca cu plataforma manera esaki ta crucial pa fortalece colaboracion, intercambio di informacion y innovacion, specialmente den area di seguridad cibernetico y crimen organisa, cu ta bira cada biaha mas complejo. “Aunke tin competencia, semper mester tin disponibilidad pa comparti conocimiento. Seguridad ta un responsabilidad comparti,” el a agrega.

Den su mensahe final, Prome Minister Mike Eman a enfatisa cu futuro di seguridad ta depende di union, colaboracion y un compromiso colectivo pa proteha e bienestar comun.

“Nos por logra un sociedad mas sigur solamente ora nos traha hunto, sin frontera, sin division, cu un meta comun: e bienestar di nos pueblo.”

HOMBER DETENI PA POSESION DI ARMA DI CANDELA CONDENA CU CASTIGO DI PRISON

Cuerpo Policial Aruba ta bolbe enfatisa e importancia pa entrega e arma di candela voluntariamente. Diadomingo 29 di maart 2026, Polis a haci un detencion relaciona cu posesion di arma di candela.

Durante un control den e vehiculo di e sospechoso, agentenan policial a haya un tas cu tabata contene un pistol hunto cu municion.

Esaki ta subraya un bez mas e peligro cu presencia di arma di candela ilegal ta representa den nos comunidad. E persona en cuestion a wordo deteni mesora pa violacion di e Vuurwapenverordening. Ta trata di e homber naci na Aruba T.S.C. Cuerpo Policial di Aruba y

Ministerio Publico a traha cu rapidez riba e caso y diamars 7 di april 2026 T.S.C. a wordo hiba dilanti Corte den un asina yama "snelrecht zitting". Huez a conden'e pa un castigo di prison di 18 luna, di cual 6 luna ta condicional.

Ademas Huez a pon'e bao supervision di Reclassering como un condicion adicional.

Cuerpo Policial conhuntamente cu Ministerio Publico kier enfatisa cu e accion di entrega bo arma di candela ilegal ainda ta andando.

Meta di e campaña aki ta pa duna tur persona e oportunidad di deshaci di nan arma di candela ilegal sin cu nan wordo persigui penalmente pa e posesion



di esaki.

Un recordatorio cu accion di entrega e arma di candela ilegal ta te cu dia 24 April 2026 y bo por deposita den e baki

blauw na San Nicolas y bo ta keda completamente anonimo. Autoridad ta manda un aviso cla y raspa cu e controlnan lo sigui intensifica den tur bario.

Haci uzo di e oportunidad aki awor: no warda te ora ta laat. Entreg'e of nos mes lo bin busc'e!.

**DATA DI COMUNIDAD
TA APORTA CU
INFORMACION
CLAVE RIBA E
SOBREVIVENCIA DI
NOS SHOCO NA ARUBA**



FRACCION DI MEP: PRESION PONI SERCA GOBERNADOR A YUDA!

STATEN VAN ARUBA
Fractie Movimiento Electoral di Pueblo

Aan de Voorzitter van de Staten van Aruba
dhr. A.M. Sneek
L.G. Smith Blvd 72
Oranjestad

URGENT

Betreft: Verzoek tot het oproepen van een openbare vergadering met de Minister van Financiën, Economische Zaken en Primaire Sector inzake de economische gevolgen van de internationale spanningen voor de koopkracht van Arubaanse burgers

Oranjestad, 3 maart 2025

Hierbij dienen wij een officieel verzoek in voor het oproepen van een openbare vergadering met de Minister van Financiën, Economische Zaken en Primaire Sector, mr. Geoffrey Wever, met als doel een diepgaand en transparant overleg over de mogelijke economische effecten van de huidige internationale spanningen, met name het conflict tussen de Verenigde Staten en Iran, op de Arubaanse economie en de koopkracht van onze burgers.

De recente escalatie van internationale spanningen kan verstorende gevolgen hebben voor wereldwijde markten, investeringen, energieprijzen en de economische stabiliteit van kleine open economieën zoals die van Aruba. Aruba is als geïmporteerde afhankelijk eiland economisch kwetsbaar voor externe schokken in de mondiale economie. Internationale prijsfluctuaties, financiële marktrisico's, handelsverstoringen en onzekerheid in toeristische markten kunnen direct of indirect de koopkracht en levensstandaard van de Arubaanse bevolking beïnvloeden.

Het is essentieel en urgent dat de Staten van Aruba in dit stadium worden geïnformeerd over:

1. De huidige economische inschattingen en risicoanalyses van de Minister met betrekking tot de impact van het conflict op Aruba's economie;
2. Eventuele beleidsmaatregelen die reeds worden overwogen of geïmplementeerd om de gevolgen van internationale ontwikkelingen op de koopkracht en het consumentenvertrouwen af te zwakken;
3. Scenario-analyses omtrent prijsvolatiliteit, importkosten, investeringen en arbeidsmarktontwikkelingen;
4. Aanbevelingen of voorbereidende stappen naar aanleiding van de geconstateerde risico's voor de economie en de koopkracht van Arubaanse burgers.



STATEN VAN ARUBA
Fractie Movimiento Electoral di Pueblo

Op grond van vorenstaande doen wij het verzoek aan de Voorzitter om op zeer korte termijn een openbare vergadering op te roepen waarin minister mr. Geoffrey Wever uitgenodigd wordt om de Staten te informeren en vragen te beantwoorden over de genoemde onderwerpen.

In afwachting van uw besluit en de oproeping van de vergadering verblijven wij,

Hoogachtend,
Evelyn Wever-Wever
Fractieleider MEP

ORANJESTAD - E situacion mundial actual ta sigui crea hopi incertidumbre, y esaki ta tin un impacto directo riba nos comunidad na Aruba. E subida continuo den costo di bida ta pone presion riba cada cas, cada familia, y cada empresa. Despues cu e conflicto na Iran a cuminsa dia 3 di maart,

Fraccion di MEP a actua cu rapidéz y responsabilidad, mandando un carta extenso y bon argumenta pa pidi un reunion urgente cu e minister di economia. E meta tabata cla: busca claridad, orientacion y mas importante ainda, accion concreto pa proteha nos pueblo contra e impacto di e guerra.

Lamentablemente nos a constata cu e minister no a mostra e urgencia cu e situacion ta exige. Mientras cu e preocupacion den comunidad a sigui crece, e minister tabata ocupa cu otro actividadnan, incluyendo biahe, sin atende cu e gravedad di e tema aki.

Den e conferencia di prensa recientemente nan a toca solamente un aspecto limita, e prijs di gasolin, lagando hopi otro preocupacionnan sin contesta. Esaki a laga henter comunidad cu mas pregunta cu contesta, un situacion cu no ta aceptabel den momento di crisis.

Pa e motibo ey, Fraccion di MEP a tuma e siguiente paso responsabel di dirigi un peticion na gobernador, pidiendo su intervencion pa asegura cu e dialogo democratico den Parlamento wordo restableci. Nos ta kere firmemente den e rol di control di Parlamento y den e necesidad pa tene un discusion habri, serio y enfoca riba solucion.

Nos ta satisfecho cu e presion cu nos a pone, a resulta efectivo. Dia 15 april pa 9'or di mainta, finalmente lo tin un reunion den Parlamento dedica na e tema aki. Esaki ta un paso importante den e direccion correcto, pero no ta suficiente pa reuni so.

Pueblo di Aruba ta spera y merece solucionnan concreto, sostenibel y cu por wordo implementa rapidamente.

Nos ta invita tur ciudadano pa lesa e peticion, pa keda informa y pa sigui e reunion. Transparencia y participacion ta clave den momento manera esaki. Fraccion di MEP lo sigui insisti riba responsabilidad, liderazgo y accion real.

Ban spera cu e minister finalmente lo presenta medidanan eficaz pa alivia e presion riba nos pueblo, pasobra Aruba no por sigui cu promesanan bashi. Nos merece mihor.

Parlamentario Shailiny Tromp-Lee: UNION ENTRE HOOFS OF HOPE Y SENSORY GYM ARUBA: UN EXPERIENCIA SPECIAL DI HIPPOTERAPIA PA MUCHANAN CU AUTISMO



Durante e actividad Light It Up Colourfull, mi a keda invita pa representantenan di e Fundacion Hoofs of Hope, Zulaika y Amy, pa bishitanan durante nan actividad diasabra ultimo. Tabata un session special di Hippotherapy, caminda

a pone den luz e trabou valioso cu e fundacion aki ta realisa den aliansa cu Sensory Gym Aruba.

E cooperacion aki ta enfoca riba e transformacion di bida di nos muchanan cu autismo den aire



liber, brindando nan hermentnan unico pa nan desaroyo.

E mainta tabata dedica na e progreso fisico y emocional di e muchanan a traves di e contacto cu cabay. Como invitado di Hoofs of Hope, mi por a presencia di cerca e impacto positivo di e terapia aki.

Un momento masha special tabata e session di training di Joshua, kende a demostra cu hopi focus con e conexion cu e cabay ta yud'e den su concentracion y habilidadnan motorico. Pa Joshua, e tempo dedica na e training aki den e arena ta un paso grandi den su desaroyo personal. Sigur pa mi tabata hopi special di por a experiencia Joshua aai e cabay, bras'e y carisia su cara. Un momento di puro contacto, caminda mi por a mira e alegria cu Joshua tabata sinti.

E sessionnan di Hippotherapy ta consisti di weganen deportivo ariba e cabaynan pa fortifica e balansa y e seguridad propio. Maske e programa completo ta inclui tambe e parti psychomotorisch unda e muchanan ta baña e cabaynan pa stimula nan sentido di cuido y empatia, e training di Joshua a resalta pa su determinacion y e conexion cu e animal durante e movementonan di terapia.

Mi ta hopi contento di por a experiencia e training aki y conoce un tiki mas di cerca ambos organisacion, combersando tambe basta cu Jeanjare di Sensory Gym, kende ta fungi como instructor hunto cu e tres asistentenan di Hoofs of Hope: Amy, Zulaika y Claudia.

"Together we can make a difference, together we're

doing it", ta e lema cu a resona durante e mainta, recordandonos cu cada session ta un oportunidad nobo pa inclusion y pa duna nos muchanan cu autismo e espacio pa briya.

Pa mas informacion over di e programanan di terapia cu cabay, por tuma contacto cu Hoofs of Hope na e number 742-7079 of cu Sensory Gym na 562-3125.

Mi ta termina cu un palabra di gradicimento na Hoofs of Hope pa e oportunidad brinda y na e mayor di Joshua cu a laga mi presencia, experiencia y saca potret di e session di Joshua. Un danki di curason. Sigur e bishita ta pas den e meta cu mi a pone pa mi mes, pa via comunicado, post y bishitanan, pa duna contenido real na e parti di luna di conscientisacion riba autismo.

Minister Geoffrey Wever: TA INVITA PUEBLO HENTER PA E MERCADO SEMANAL DI SANTA ROSA, APRIL 11



Oranjestad - Minister di Finansa, Asunto Economico y Sector Primario, mr. Geoffrey Wever, ta invita pueblo di Aruba pa bishita, disfruta, cumpra producto fresco y aporta na e sector primario na e mercado di Santa Rosa cu lo tuma lugar atrobe diasabra awor, April 11, di 8 AM pa 12 PM.

Na e Mercado di Santa Rosa, pueblo por disfruta di cumpra varios producto fresco y local. E sector primario ta uno masha importante, y ta un sector di enfoka pa e ministerio di Minister Wever, participando den e mercado aki como un consumidor, bo persona

ta aportando na e economia local di Aruba, y specialmente e cunukero y agricultornan di nos isla. E mercado aki lo tuma lugar 3 siman na Santa Rosa y un siman na plaza lolita.

Despues di dialoga cu stakeholders, unda cu a wordo pidi pa e mercado di Santa Rosa tuma lugar cu mas frecuencia. Considerando e popularidad di e mercado, e bienestar di e sector y e deseo di e stakeholdernan, Minister Wevera haci e decision pa haci e mercado di Santa Rosa semanal. Diasabra awo, lo tin mas cu 15 bendedor.

Ta importante tambe



pa comparti cu si bo persona kier participa cu bendemento di producto na e mercado di Santa Rosa, ta haci un peticion pa registra na tempo ya cu espacio ta limita. Por registra cerca Santa Rosa via un email manda na info@santarosa.aw of por pasa personalmente na e oficina di Santa Rosa cu ta situa na Piedraplat 114-A. Tambe por tuma contacto via telefon na 585-8102

Minister Wever ta felicita Santa Rosa pa e bon trabou cu nan ta eherciendo y pa e apoyo cu nan ta duna na e sector primario. E sector primario ta forma un parti integral di nos cultura y nos economia. Nos ta invita pueblo henter pa bishita e Mercado di Santa Rosa April 11 y forma parti di crea un impacto positivo den nos economia y nos comunidad.



Parlamentario Xiomara Maduro: UN HOMENAHE NA SR. HASSALANI MEHRAN, E PROME PRESIDENTE DI BANCO CENTRAL DI ARUBA

Den cuadro di celebracion di 40 aña di Status Aparte, Parlamentario Xiomara Maduro kier muestra un profundo gratitud na sr. Hassalani Mehran, kende e tempo ey, tabata forma parti di e staff di Fondo Monetario Internacional (IMF), a acepta e reto pa bira e prome Presidente di Banco Central di Aruba.

Conforme e vision di Betico Croes y den colaboracion cu Minister Don Mansur, sr. Mehran a wordo invita pa yuda traha e base di un institucion nobo y crucial pa Aruba. Den un periodo di incertidumbre y transicion, Mehran a tuma e desafio cu determinacion, liderando e establecimiento di Banco Central di Aruba for di cero, ainda bou di condicionnan limita y dificil.

Un di su prioridadnan principal tabata tende e preocupacionnan di e comunidad y e sector financiero. Cu un enfoka riba transparencia y dialogo, el a traha hunto cu banconan, sector priva y pueblo pa logra confiansa den e sistema monetario nobo, incluyendo e transicion pa un moneda propio. E prome dianan di operacion di e banco a muestra claramente su compromiso, ora cu Mehran y su ekipo chikito a traha intensamente pa garantisca cu e sistema financiero tabata funciona y cu confiansa tabata presente.

Su contribucion no a termina despues di e prome etapa. Sr. Mehran a bolbe sirbi Aruba durante un di dos periodo bou di Minister di Finansa Nilo Swaen

di 2007 pa 2008, demostrando un bes mas su compromiso cu nos pais. Ademas Mehran tabata den e prome directiva di Aruba Investment Bank y den e posicion eynan a lidera tambe un trabou importante riba tereno di finansa publico — e Raport di Comision Nacional riba Finansa Publico (Raport Mehran) — cu a ofrece guia balioso pa e maneho responsabel di finansa di gobierno.

Awe ainda, for di su cas na Bethesda, Merca, sr. Mehran ta mantene un laso estrecho cu Aruba. Oficialnan Arubiano ta sigui bishit'e pa busca su conseho y sabiduria, un testimonio cla di e respet profundo cu el a gana y di e impacto duradero di su trabou.

Sr. Mehran no solamente a yuda construi un institucion, pero tambe a yuda construi confiansa, estabilidad y futuro pa Aruba.

“Danki sr. Hassalani Mehran pa



kere den Aruba,” ta palabranan di gratitud cu Parlamentario Xiomara Maduro kier expresa na ocasion di 40 aña di Status Aparte y 40 aniversario di existencia di Banco Central di Aruba.



Corte di Prome Instancia 24 april 2026

Horario	Sospechoso	Acto Castigabel
14.00	Z.A.C.	Pro forma. C. ta wordo acusa di intento di maltrato serio, menaza y posesion di arma di candela di 9 di april 2025 te 27 di september 2025.
14.00	R.F.C. R.G.S.C.	Pro forma. E sospechosonan ta wordo acusa di importacion di marihuana riba 9 di januari 2026.

ARUBA A RICIBI BISHITA DI PRESIDENTE DI GOBIERNO NEW CALEDONIA



Encuentro pa reenforza lasonan enfoca riba colaboracion y sostenibilidad. Den marco di The 21st Overseas Countries and Territories – European Union Forum, Aruba a ricibi awe bishita oficial di Alcide Ponga Presidente di New Caledonia na Bestuurskantoor.

Prome Minister Mike Eman a ricibi e delegacion y a sostene un conversacion ameno, enfoca riba topiconan di interes comun entre ambos pais, incluyendo cooperacion dentro di e contexto di e paisnan y teritorionan cu tin relacion cu Union Europeo.

Durante e encuentro, a intercambia punto di bista riba temanan relevante pa e region, manera desaroyo economico, turismo y sostenibilidad, retonan comparti pa teritorionan insular cu ta busca un balansa entre crecimiento y proteccion di medio ambiente.

E Presidente di New Caledonia a expresa su

admiracion pa e progreso di Aruba, particularmente den area di turismo y maneho di desaroyo sostenibel, destacando cu tin oportunidad pa intercambio di experiencia y aprendisahe mutuo entre ambos pais.

Como parti di e bishita, e delegacion a haya tambe oportunidad pa aprecia e beyesa di Aruba for di e bista panoramico na tercer piso di Bestuurskantoor, reflehando e atractivo unico di nos isla.

E relacion entre Aruba y New Caledonia ta basa riba respet mutuo y un historia di colaboracion dentro di e Overseas Countries and Territories (OCT). Den pasado, Prome Minister Mike Eman, den su rol como Presidente di OCTA, a bishita New Caledonia pa un encuentro oficial, fortaleciendo e lasonan entre ambos pais.

E amistad aki a keda vigente te awe, y ta wordo aprecia ampliamente como un base solido pa continua dialogo y cooperacion.



E bishita aki forma parti di e esfuersonan continuo

pa mantene y profundisa relacionnan internacional, promoviendo colaboracion

constructivo y intercambio entre e paisnan miembro di OCT-EU.

Clasificados



SOLODIPUEBLO@GMAIL.COM

CEL. 585 9500

MINISTER ARTHUR DOWERS A HACI BISHITA NA POLITIEACADEMIE OSSENDRECHT: UN PASO STRATEGICO PA FORTIFICA SIGURIDAD DI ARUBA



Pa finalisa un serie di reunionnan importante y encuéntranan strategico na Hulanda, Minister di Husticia mr. drs. Arthur Dowers a haci un bishita

na Politieacademie Ossendrecht, na unda el a ricibi un presentacion amplio di director Leonard Kok y coordinador pa Caribe Jan Willem Ruts.



E bishita aki ta forma parti di un acercamento strategico pa sigui mehora capacidad institucional y operacional di Aruba riba tereno di seguridad. Durante e encuentro, Minister Dowers a ricibi un presentacion riba diferente programa di formacion avansa cu ta central den maneho moderno di crisis y aplicacion di ley.

Entre e tema principalnan tabata SGBO (Staf Grootschalig en Bijzonder Optreden), un sistema di coordinacion pa situacionnan grandi y compleho; IBT (Integrale Beroepsvaardigheden Training), enfoca riba situacionnan practico y tuma decision bao di presion; y tambe IBT Virtual Reality, un innovacion tecnologico cu ta permiti entrenamiento realistico den un ambiente controla.

E ubicacion di Ossendrecht ta un di e centronan mas importante di Politieacademie, specialisa den entrenamiento tactico, uzo di forsa y simulacion di situacion realistico. Aki, profesionalnan di seguridad ta haya oportunidad pa desaroya competencianan esencial den un ambiente cu ta combina teoria cu practica, cu enfoca riba reaccion rapido, colaboracion y liderazgo.

Minister Dowers a enfatisa cu e bishita aki ta resultado directo di un agenda yena cu reunionnan importante, enfocando riba fortalecimiento di cooperacion den Reino y intercambio di conocimiento. Nos ta biba den un tempo unda retonan di seguridad ta birando mas compleho. Pa Aruba por mantene su tranquilidad, mester

inverti den conocimiento, innovacion y colaboracion strategico.

E encuentro a subraya e importancia di integracion di tecnologia den entrenamiento moderno, caminda Virtual Reality ta hunga un rol clave den prepara personal pa situacionnan critico sin riesgo real. E tipo di innovacion aki ta habri caminda pa un modelo di entrenamiento mas efectivo, realistico y orienta riba resultado.

Cu e bishita aki, Minister Dowers ta reafirma su compromiso cu un sistema di seguridad moderno, profesional y sostenibel.

Ta importante pa continua cu inversion den e capital humano, fortifica estructura institucional, y crea alianza strategico pa garantiza seguridad y estabilidad pa comunidad.

4de trekking

9 april 2026

Oranjestad	:	8.00 - 12.00 en 13.30 - 16.30
------------	---	-------------------------------

Keywords: child sexual abuse; disclosure; social support

REUNION ENTRE GOBIERNO Y CRISIS MANAGEMENT OFFICE ENFOCA RIBA COLABORACION Y PREPARACION STRATEGICO



Awe diabierna a tuma luga un reunion regular entre Prome Minister Mike Eman y Crisis Management Office (CMO), cu enfoca riba actualisacion di trabounan, colaboracion dentro di Reino y posicionamento strategico di Aruba den contexto regional. Durante e encuentro, CMO a presenta un update general riba nan actividadnan y progreso, incluyendo inventarisacion continuo di diferente aspecto relaciona cu preparacion y maneho di crisis.

Un punto importante

di discusion tabata e fortalecimiento di colaboracion cu partnernan den Reino, unda a intercambia idea riba con Aruba por posiciona su mes di manera strategico den palabracionnan cu ta andando cu otro partner relevante. E reunion a resulta den direccionnan nobo di colaboracion, cu lo sigui desaroya den e simannan nos dilanti.

Ademas, a tuma momento pa evalua brevemente e trabounan durante Semana Santa, unda diferente instancia a traha intensivamente

pa garantisar seguridad y bienestar di comunidad. Den e contexto aki, a expresa aprecio na ekipo di CMO y na partnernan manera Cuerpo Policial Aruba y Cruz Cora pa nan dedicacion, particularmente den area di Baby Beach.

Prome Minister Mike Eman a enfatisa importancia di coordinacion continuo entre instansianan, subrayando cu preparacion y colaboracion ta elemento clave pa mantene Aruba resiliente y sigur.

E reunion aki forma parti di e consultanan regular entre Gobierno y CMO, cu tin como meta fortalece

capacidad institucional y promove un enfoca integral pa maneho di riesgo y seguridad nacional.

Clasificados

SOLODIPUEBLO@GMAIL.COM

CEL.585 9500

PROYECTO 3DXVERSE TA IMPULSA INNOVACION DIGITAL Y SOSTENIBILIDAD DEN AVIACION NA ARUBA

Colaboracion cu Union Europeo ta sigui genera innovacion na Aruba, e biaha aki cu e proyecto tecnologico “3DXVerse”, presenta pa Gino Schwengle. E iniciativa ta forma parti di un Horizon Project, den colaboracion cu un consorcio internacional di universidad y empresa nan Europeo.

E proyecto ta enfoca riba modernisacion di experiencia di biahe, introduciendo uzo di “digital travel credentials”. Den colaboracion cu Aruba Tourism Authority (ATA), Inmigracion di Aruba, AAA y Directie Luchtvaart di Aruba, e sistema ta permiti pasaheronan crea un “pasport digital” riba nan telefoon, cu nan por comparti cu inmigracion prome cu nan yega Aruba.

Esaki ta permiti un proceso mas rapido na frontera, unda biahero no tin cu presenta pasport fisico. Mediante uzo di tecnologia di reconocimiento facial, identidad di pasahero ta verifica den apenas algun seconde na e-gates, reduciendo significativamente tempo di espera.

Ademas di facilitacion di biahe, e proyecto ta incorpora un componente innovador di sostenibilidad. A traves di un sistema digital, biahero por haya un indicacion

di su carbon footprint
relaciona cu su biahe pa
Aruba.

E iniciativa ta bay un paso mas leu, permitiend bishitante participa activamente den compensacion cu ta causa impacto, door di actividadnan local manera plantacion di mangrove, generando “carbon credits” durante nan estadia.

Segun Schwengle, e proyecto ta duna empresa local acceso na colaboracion internacional y conocimiento tecnico, reduciendo costo di desaroyo y facilitando innovacion den escala global.

“E colaboracion ta permiti nos desaroya producto innovador cu menos costo y cu apoyo di experto internacional,” el a indica, resaltando e balor di participacion den consorcionan Europeo.

E



proyecto 3DXVerse
ta demuestra con
colaboracion cu Union
Europeo no solamente
ta aporta sosten
financiero, sino tambe
ta crea oportunidad
pa transferencia di
conocimiento, innovacion
tecnologico y desarrollo
sostenible na Aruba.

HACI PAGO DI ABONEMENT ONLINE

TA POSIBEL:

**APRECIABLE CLIENTELA, SI BO TA DESEA DI
HACI E PAGO DI ABONEMENT ONLINE,
E TA POSIBEL:**

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 77000000100152447

**DI ANTEMANO,
MASHA DANKI.**

SOLO DI PUEBLO

A hand is holding a blue credit card and a smartphone. The smartphone screen shows a payment app interface with a large yellow '50%' discount tag, a green 'PAGAR' button, and a green 'PAGAR CON' button. The background is a blurred image of a person's face.

		Paardenbaaistraat 10, Oranjestad, Aruba Tel.: (297) 525- 7555	
		www.lottoaruba.com	
		Resultado: Sorteo de Anochi - April 10, 2026	
	Sorteo # 8819	Sorteo #	Joker Letter
	9249	0x Jackpot	Proximo Jackpot
	9799	0x Match 4+	160.000,-
	2732	0x Match 4	
		0x Afl. 12,00	
	X2		
			
	Sorteo # 7863	Sorteo # 7147	Proximo Jackpot
	9827	0x Jackpot	62.000,-
		9x Match 4	
	X3	182x Afl 8,00	
			
	Sorteo # 2568		
	7121		
	Sorteo # 6622	Sorteo #	Mega Ball
	1120	0x Jackpot	Proximo Jackpot
	Tauro	0x match 4	650.000,-
		0x Afl. 500,00	
	Sorteo # 1552	0x Afl 50,00	
	430	0x Afl. 15,00	
			
	Sorteo #	Afl 1.000.000,-	



HESUS A RESPOND'E: "MI TA SIGURA BO: NINGUN HENDE NO POR DRENTA REINO DI DIOS, SI E NO NACE DI AWA Y SPIRITO." (HUAN 3,5)

Nicodemo ta e imagen di tur esnan bao di e pueblo Hudiu cu a kere den Cristo. E ta bin anochi pasobra aunke el a haya enseñansa den ley e ta keda ainda den scuridad di esnan cu no a ricibi e gracia di Sacramentonan. Anto Cristo no ta contesta su pregunta ma ta papia cu ne di nacemento di ariba, di bautismo. Nos a nace di nobo pa medio di awa y Spirito Santo. Bautismo ta caracteriza henter nos existencia.

Como Cristian nos mester cuminsa un bida nobo. Un bida cu nificacion, esey ta Dios su plan. Hesucristo ta e contesta, Hesucristo ta e unico persona cu por duna bida un proposito real y berdadero. El a muri riba e cruz pa salba nos di nos picanan. Si bo pidi Hesus pa ta bo Salvador, bo bida lo haya nificacion y proposito manera nunca antes.

Oracion: Señor, Abo cu a bin na mundo pa salba nos, Abo cu ta e luz, e caminda berdad y bida. E unico cu por duna nos un bida cu nificacion, yuda nos duna testimonio di bo amor pa medio di Cristo nos Señor. Amen.

Un cos so mi a roga Señor:
esey so mi ta t'anhelá cu mi por biba den cas di Señor
tur día di mi bida pa contemplá splendor di Señor
y bishitá su tèmpe
Salmo 27:4
Cu dolor na nos curason,
nos ta participa fayecimento di nos ruman stima

Na number di

Su mayornan:

†Alfredo y †Regina Ruiz-Ridderstaat

Su rumannan y sobrino(a)nan

Filomena y Antonio Geerman-Ruiz y yuinan

Jose Emmanuel Ruiz y Anna Witsenburg y yuinan

Alfredo y Jaqueline Ruiz-Trinidad y yuinan



Maria Coromoto Ruiz,

*07-07-1956 – †31-03-2026

Su Omonan y tantanan:

†Reina Lambertus Ridderstaat, †Hermonica Ridderstaat

†Joaquin Ridderstaat, †Nemencio y Memita Ridderstaat-Diaz

†Juan y Gisela Ridderstaat-Maduro, †Andres y †Teresita Ridderstaat-Semeleer

†Paus y †Ramona Ruiz-Coronel, †Sylvania y †Melvin Capello-Ruiz

Su primo-y primanan:

Editha y †Juan Lopez-Lambertus y nan yui, Gabriela Lopez y Ewald Winklaar y yuinan

†Alfred Lambertus y yuinan, Rosanna Ridderstaat y yiu, Chito Ridderstaat

Susan Ridderstaat y yuinan

†Maria Altagracia y †Ricardo van der Biezen-Ridderstaat y yiu

†Juan Carlos Ridderstaat, Annie y Sergio Barros- Ridderstaat

Alexander Ridderstaat

Mildred Ridderstaat y Javier Ras y yuinan, Andresito Ridderstaat

Jorge Ridderstaat y Mildred Dirksz y yuinan

Arminda (Vivi) y Facundo Franken-Ruiz, Alfred Ruiz y May Wong

Danilo Ruiz y Jesper de Jong, Mariela y Jasper Bruin-Ruiz

Melvany Capello y yuinan, Sidney y Gesmeline Capello-Leito

Demas famia y conocirnan

Maria Luisa Dirksz, Jenny, Marcia, Carmencita y Benny Cornelio, Sheila y Peter, Astrid y Kili Tromp-Hoek, Aileen Franken, Martha Maduro y Gerladine Angela-Croes, demas bisiñanan, ex coleganan di DIMP y tur demas amigo- y amiganan y conocirnan
Famia: Ruiz, Geerman, Trinidad, Witsenburg, Gordon, Lambertus, Lopez, Winklaar, Ras, Capello, Ridderstaat, Barros, Dirksz, Franken, Wong, de Jong, Bruin, Leito y Swaen.

Gradecimento:

Dr. Mikkeo Martis, Dr. Sil Kordes, Sra Lola Geerman di WKF, Personal di Oconlogie afdeling

Nos disculpa si den nos tristesa nos por a lubida un of otro famia y amistad

**Nos ta invita pa acto di despedida cual lo tuma lugar ariba diahuebs 16
april 2026 for di 9or pa 11or di mainta na Pro-Cathedral San Francisco de
Asis, Oranjestad y despues lo sali bay pa Santana Catolico na Playa.**

Nos ta lamenta cu despues di entierro nos lo no por ricibi bishita di condolencia na cas.

SOPI DI LETRANAN



I	R	A	I	N	B	O	W	O	D
E	S	I	G	U	D	S	A	G	N
Z	N	D	U	O	L	C	C	N	I
A	O	H	O	L	S	M	O	I	T
C	D	A	L	R	R	E	D	N	Z
I	O	I	N	O	R	L	A	T	I
R	O	L	T	N	P	D	N	H	A
R	L	S	S	U	D	D	R	G	R
U	F	D	I	S	A	U	O	I	N
H	A	W	O	N	S	P	T	L	O

WORD LIST

STORM	FLOOD	CLOUD
LIGHTNING	TORNADO	HURRICANE
SUN	RAIN	SNOW
HAIL	RAINBOW	PUDDLE

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6				5			8	
		4				7		
	3				6			
2				5				8
			4				1	
		3				4		
	2				7			3
1				8			2	



Oracion di dia

Un dia fructifero y cu e luz di Cristo por briya den cada un di nos

"... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husgando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otro nan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otro nan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

FORTALEZA PA FAMIA

Scirbi pa Pastor Marcel Balootje.

DEN BO CAS MESTER TIN UN ATMOSFERA, DI PAZ, OBEDIENCIA Y RESPET

rome cu predica algo pafo, nos mester bibe den nos cas.

Nos cas mester ta un cas di respet.

Nos cas mester ta un cas di union

Nos cas mester ta un cas di pas.

Nos cas mester ta un cas di pordon.

Nos cas mester ta un cas limpi.

Nos cas mester ta un cas cu ta stima Dios.

Nos cas mester ta un cas caminda berdad ta bini na prome lugar.

Nos cas mester crea un atmosfera pa e presencia di Dios.

Nos cas mester demostra amor pa otro.

Nos cas mester ta un cas di hospitalidad.

Nos cas mester ta un cas liber di bruheria, idolatria y santeria.

Nos cas mester ta liber di envidia, redo y calumnia.

Nos cas mester ta un cas di alabansa.

Nos cas mester ta un cas di oracion constant.

Nos cas mester ta liber di insulto.

Nos mester ta liber di violencia.

Nos cas mester ta liber di adulterio y perversidad.

Nos cas mester ta un cas di adoracion na Dios.

Nos cas mester ta un cas di testimonio kico Dios a haci pa nos.

Nos cas mester refleha e amor di Dios.

Den Isaías 38 Rey Ezekias a bira malo pa muri y Dios a manda bise pa e regla asunto di su cas, pasobra e ta bay muri y no ta keda biba mas.

Nos cas no ta solamente e edificio. Pero tambe nos culpa y nos bida dilanti di Dios, mester ta di acuerdo cu e palabra di Dios.

Dios no kier pa nos biba un bida con cu ta, sin tene cuenta cu Dios y sin temor di Dios.

Dios kier pa nos tin un bida, santo agradabel den Su perfecto voluntad.

Cu sabiduria un cas ta wordo traha, y cu comprendemento e ta wordo estableci, y cu conocemento e cambernan ta wordo yena, cu tur rikesa precioso y agradabel. (Proverbionan 24:3-4).

Nos mester haci tur locual ta posibel pa tene palabra negativo pafo di nos cas, no papia nada den bo cas cu bo no ta desea.

Papia locual ta agrada Dios, palabra cu ta demostra fe y confiansa den Dios, evita tur palabra cu ta trece duda, palabra cu ta purba limita Dios, y si un hende ta trece duda den bo cas, please hala su atencion y bise cu hopi amor cu duda no ta bin di Dios.

Efesionan 4:29 ta para scirbi: No laga ningun palabra danino sali for di boso boca, sino solamente palabra cu ta bon pa edificacion, conforme e necesidad di e momento, pa esaki por duna gracia na esnan cu ta tende.

No ta nada netji ora palabra malo of mihor bisa palabra sushi y ofensa baho ta wordo papia den cas, pasobra esey no ta un testimonio di educacion, pasobra caminda tin palabra malo y sushi, mucha ta crece sin respet, pasobra nan ta kere cu esey ta lo corecto pa haci.

Un boca limpi, ta ruman di un curason limpi, pero un boca sushi ta ruman di un curason sushi, pasobra locual hende ta papia ta sali for di nan curason.



Un hende sabi ta scucha y haci locual Dios ta bisa pa haci, y e ta purba di haci lo miho, pa agrada Dios y asina e ta wordo bendiciona door di Dios.

Tur locual ta puro, amabel, berdadero, tur locual ta di bon testimonio, tur locual ta digno di alabansa esey ta locual mester wordo papia den bo cas. Mantene bo cas limpi, pasobra Dios ta biba den bo cas, y no lubida cu bo culpa ta tempel di Dios.

Sinceramente, Pastor Marcel Balootje.




HALA ROSEA LIBREMENTE



Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jong.

BON PRAATGROEP DI LISSETTE VAN TRIGT



Recien mi tabata testigo di tres di e varios encuentronan cu señora Lissette van Trigt a tene na grup'i bishitante cu interes den su praatgroep presenta. E lugar tabata MFA Paradera, pero tambe ta uza MFA Noord y Savaneta. E temanan tabata eo. duna y ricibi compliment, me time y biba den presente.

E praatgroep a nace algun tempo pasa ora cu Lissette, cu ta un trahado social cu mas cu 25 aña di

experiencia na Hulanda, a nota cu aki na Aruba tin e necesidad pa hendenan por reuni cu otro y intercambia idea y pensamentonan. Cada persona por siña di otro y por tambe conseha otro pa haci nos mundo miho.

E encuentronan tin un ambiente positivo y e gruponan a bay cas contento. Durante e encuentro di Easter, Lissette y su esposo Sandy, den forma creativo, a trece frase- y preguntanan

cu tabata duna e grupo chens pa pensa y haya mas aprecio pa e bida cu nan tin. Tambe cada participante a ricibi na final un regalo pa hiba cas.

Na nomber di e grupo mi ta gradici Lissette y esposo pa e entusiasmo cu nan tin y e forma unico di organisa y presenta e praatgroep. Keda pendiente p'e siguiente praatgroep. Pa mas informacion por manda Lissette un mensahe na 5611774.